



Universitätsbibliothek Paderborn

Metropolis Salisvrgensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarium, ac loca quædam vicina

Hund, Wiguleus

Monachii, 1620

Littera Chotvvicen. de decima vinearum.

urn:nbn:de:hbz:466:1-13591

scriptione testium communimus, confirmamus. Testes autem sunt hi: *Heinrichus Abbas de Altach, Albertus Abbas de Metemen, Heinrichus Praepositus veteris Capelle Ratisbonae, Canonicus noster Rudibodus, Praepositus in Rinichna, Werinhardus de Utendorf, Purchardus de Weier, Ludovicus de Hageuvavve, Wolframus Pincerna, noster de Reut, Gebhardus de Veltbach, Albertus de Gneising, Chunr. Zuvikauf, & alij quam plures.* Datum anno Domini M. C. C. XLIX. Indictione VII. mense Martij, Pontificatus nostri anno quarto.

Littera Chorvicensis de decima vinearum.

In nomine sancte & indiuiduæ Trinitatis amen. *Heinrichus Dei gratia Chorvicensis,* hanc litteram inspecturis, salutem in perpetuum. Discretorum virorum prouidentia ea quæ ipsos aguntur in tempore, ne per obliuionem humanam à memoria simul labantur cum tempore scriptis prouidit, ac proborum virorum testimonio confirmare, quorum nos vestigia obseruantes omnibus innotescimus hanc literam inspecturis, quod venerabilis Praepositus & Conuentus de Osterhouen prædecessorum nostrorum temporibus vtriusque Ecclesiæ considerata uicilite curiam suam apud Chrems cum omnibus attinentiis vinetis & agris à decimis nobis inde prouenire taliter exemerunt quod villa quæ superior dicitur *Vuthau* nostræ Ecclesiæ contulerunt recompensationem prædictarum decimarum perpetuo possidendam, ita tamen ut dimidia carra vini nobis de prælibata curia annis singulis persoluatur, nosque ipsis in æquipollentia curiam villicariam addidimus apud Teizz liberaliter possidendam. Ne autem super his prætextu alicuius venditionis seu obligationis nostrarum decimarum prædictæ Curia de Osterhouen super libertate sua emptionis calumnia seu quaestio ammodo oriatur, sed hic tractatus à nostris prædecessoribus solemniter factus perpetuò robur obtineat firmitatis ipsum tenore & auctoritate præsentium renouamus ac perhenniter confirmamus sygilli nostri atque Conuentus characterem apponentes. Testibus etiam qui huic publicationi & renouationi intererant subnotatis, qui sunt *Irnfidus Decanus Chrems, Hertnidus Sac. Albero Wineler, Chunr. Sac. de Prusing, Perchtoldus Trauernius, Meinhardus de Lape, Chunr. Seuelder, Ratispon. Senior, Haystolfus Grossus, Otto filius Haystolfi, Hecunbo, Meinhardus de Camera, Waltherus Moderstoch & alij quam plures.* Actum in Stayn, anno Domini M. C. C. LI. Indictionis decimæ.

Item de Muta & Thelon, per terram

Austriæ.

Otakrus Dei gratia Dux *Austriæ & Styrie & Marchio Moraviae, vniuersis* literam hanc inspecturis salutem in perpetuum. Cum Ecclesia in Osterhouen à bona memoriæ Duce Leopoldo atao Illustri quondam Ducis *Austriæ Friderici* occasione quondam obſidionis Castri in Ortenburch lœſa fuerit plurimum & gruata, in recompensationem ejusdem damni eidem ecclesiæ felicis recordinationis principes memorati pia devotione duxerint injungendum, ut omnia viualia sua vbique apud thelonæ sua siue mutas suas absque vestigali & eo quod vulgariter Fürfart appellatur gaudere debeant libero transitu & seculo. Nos in eorundem principum inhærente vestigiis id ipsum jus pro Dei omnipotentis reuerentia memorata Ecclesiæ liberaliter ducimus concedendum. Vt autem hæc concessionis nostræ gratia debeat in uiolabiliter obseruari, præsens scriptum sigilli nostri charactere roboratum sacerdotæ Ecclesiæ mandapimus as-

Metrop. Salub. Tom. III.

c. 3

signan-